

Htawm tem' ri tuil' ri muk kon' Hkrit Hte'salo'ni' ok' leual'

¹ Htawm ti ok' aen' na ko', meuh a ku' Paw'lu, Silas' maeé Tí'mó'se

tem' ye ri tuil' a ri muk kon' Hkrit Hte'salo'ni' na' pé ri hk'a'naee Kuing' Peucawo' e' na' Eun maeé Cawo' Yesu' Hkrit Eun.

² Kah mun' sin' maeé hk'a' kuit nyawk' kuit sam'ran cumyen' lih neum Kuing' Peucawo' e' na' Eun maeé neum Cawo' Yesu' Hkrit Eun na' kue' ri pé reu'.

Hk'a' taws' a'mu yam Yesu' lih Eun

³ Ec'awng' na' pé, htuk' ye ri mun' keuting ri Peucawo' Eun pun pé' laleung. Yeuh keutit' na', a na' cawp'. Kopti hk'a' yum' pé na' baet a ri keuting heun' na', hk'a' leumeus'keus pé puri na' a ku baet ri keuting heun' yeut.

⁴ Kop awn' na, ye suk'seun' pé nanggal' ce muk kon' Hkrit Eun Peucawo' na' kopti meuh a hk'a' yeun'hkam pé na' maeé hk'a' yum' pé na' ri ku' buih hk'eup' pé ku' keunhap' nokneh na' maeé ku' cop'long heun' ceu maet'maen' na'.

⁵ Aen' ce gawm'euc' meuh a sa'hki' ka hk'a' taws' a'mu Eun Peucawo' na' cawp' ka na'. Kop awn' na, pé na' pun hk'a' sawn' ri meuh peue kuing'hpaw maeé kuing' Eun Peucawo' ku' hkam' pé ri tukhka rap ri ti pun kuing' awn' a na'. ⁶ Peucawo' leupaws seumeu' Eun. Eun kaw tang keutah ri tuil' ku' tukhka na' ri peue yeuh pé tukhka na' ce. ⁷ Eun ku kaw hpot' peue pun ri hkam' ku' tukhka na' pé maeé ye ri yeut. Ceu nang aen' ce a kaw keut' kue'

yam Cawo' Yesu' puc Eun ri lih neum kuing' pang maó hk'a'naee reung ngawl ceng' nyawk' na' maeé in'hpom kue' tí'ca keuting Eun na' ce tiduih'. ⁸ Eun kaw ciyang peue un' yawng Peucawo' Eun na' ce maeé peue un' rap ri ti leukah' mun' ren'kawn Eun Cawo' Yesu' e' na' Eun. ⁹ Ce kaw pun ri hkam' hk'a' ciyang ri ku' lulaic na' cot'cu ri. Ce kaw pun ri hkam' hk'a' hk'akcak' hk'ai' nanggal' Eun Peucawo' na' maeé hk'ai' munhpung' ka tí'ca Eun na'. ¹⁰ Seunyi yam awn' na, punta kaw Eun ti munhpung' ri maeé peue ri na' ce na', maeé punta kaw a meuh ku' hk'o'am' pun peue yum' na' ce ku peue, Eun kaw lih. Kopti yum' pe' sa' hki' hkam' ye ri pe' na', pe' ku pawng' muk awn' ce yeut.

¹¹ Hk'a'naee vang kuit ye ri nawk ceu nang aen' ce na', ye hk'o' mun' pun pe' laleung, un' laee deut. Kah Peucawo' e' na' Eun sawn' pe' kuing' maeé hk'a' klawng Eun ri ti pe' na'. Kah ku' chak' keutui' hpum' pe' ku ceu na' maeé ku' yeuh pe' pucti lih neum hk'a' yum' pe' ku ceu na' htonnuk ri tí'ca Eun na' reu'. ¹² Punta muis Eun Cawo' Yesu' e' na' kaw a pun munhpung' suk'seun' hk'a'naee pe' na' maeé punta kaw pe' pun munhpung' ri hk'a'naee Heun hot' mun' Eun Peucawo' na' maeé Cawo' Yesu' Hkrit e' na' Eun na', ye hk'o' mun' yeuhki'.

2

Peue fuin kaw eun pucti

¹ Lawng Cawo' e' Yesu' Hkrit kaw Eun tang lih na' maeé lawng kaw Eun hk'on'ro e' gawm'euc' ri ut' maeé Heun na', ec'awng' na' pe', ye hk'o' a ri pe' ² pawlaee keyuyih' fuii'fai' sam'ran, a'ko' ku' tamnai peue, ku' lah' ku' ris peue, a'ko' htawm cu muis ye peue tem' lawng ka seunyi yam Eun Peucawo' na' lih rot ka hawc' na', pawlaee tuin'tung ri ka. ³ Pawlaee tuil' peue ing' long ri nawk pe'

ri keunhaw' na' saec' ti ceu. Kopti cu yam fuin Peucawo' Eun na' mae' peue fuin ku' tang' ri uin' eun kaw lulaic heul' na' a lawn un' nang pucti lih ko', seunyi yam Eun Peucawo' na' a hkuin' kaw nang rot. ⁴ Punta peue awn' kaw eun tang' meun tu' ri na' u'peung nya hk'o' mun' keuting Eun Peucawo' na' mae' punta kaw eun pa'o' meun ri meuh Peucawo' na', eun kaw to'tam' ku' lah' peue meuh Peucawo' na' mae' ku' fae' peue na' ku ceu ka. Eun kaw tang' tu' ri na' keuting lhung' meun.

⁵ Yam kawn' ut' ui' mae' pe' na', ui' tawn ris pe' mhawng' lawng aen' na, un' laee pawn pe' a aw? ⁶ Peue awn' punta kaw eun pucti yam cawp' a yam eun na', a'nhaw' ci' ol' eun hton' ri, pe' ku yawng a maet'maen' hawc'. ⁷ Kopti ti'ca geup' eun peue fuin awn' buih yeuh a kan' hawc'. Daecti Cawo' ko' ri ol' eun hton' ri maet'maen' na' Eun kaw suip ri ol' eun hton' ri rot ri yam na' Eun pun ri rap ri huk' hk'ai' hk'a' awn' na. ⁸ Yam awn' na, peue fuin awn' eun kaw pun ri plo'e' ri pucti lih. Cawo' Yesu' Eun kaw yeuh eun cung'kus ri guil' lih hk'ai' moeng ri na'. Eun kaw yeuh eun lulaic ri ku' ceng' ka yam tang' lih ri na'. ⁹ Peue fuin awn' kaw eun pucti ri ti'ca ka Satan na'. Eun kaw yeuh ku' hk'o'am' mae' het' keuting un' meuh nang neum ka na' heun' ceu. ¹⁰ Punta kaw eun cop'long ri ti peue kaw lulaic heul' na' ce na', eun ku kaw yeuh ri tuil' ce nyu ku' rai na' ce ku ceu. Ce kaw lulaic kopti un' leumeus' ce hk'a' leupaws seumeu' ku' kaw va ce heul' ri hk'a' htut lawtpon na'. ¹¹ Kop awn' na, punta kaw ce yum' leukah' chi'lai na', ¹² mae' punta peue un' yum' hk'a' leupaws seumeu' daecti ce ren' mae' ku' rai na' ku peue ri ce kaw pun hk'a' taws' a'mu na', Peucawo' Eun cus' hpum' kuit kleuc' na' ri ce.

Cawng keutawn'

¹³ Ec'awng' Peucawo' leumeus' Eun na' pe', mun' keuting ye ri Peucawo' Eun pun pe' laleung. Kopti tang' neum

yamla ka na', Peucawo' leuk Eun ri ti pe' kaw pun hk'a' htut lawtpon na' ri saic' pe' seunga' chak' ri Cit' seunga' na' mae' ri yum' pe' hk'a' leupaws seumeu' na'. ¹⁴ Punta kaw pe' pawng' ri hk'a'naee munhpung' Eun Yesu' Hkrit e' na', Eun klawng pe' ri leukah' mun' ren'kawn lah' ye pe' mhawng' na' hawc'. ¹⁵ Kop awn' na ec'awng' na' pe', cawng keutawn' reu'. Leukah' sangsawn' lah' ye ri moeng ri ri pe' na', a'ko' ri htawm tem' ye ri pe' na' jhawp' a keutawn' reu'.

¹⁶ Kah tu' Eun Cawo' Yesu' Hkrit na' mae' Kuing' Peucawo' e' ku' leumeus' e' mae' ku' cu mun' ri na' tuil' kaw'ring cot'cu na' mae' hk'a' keutui' hpum' chak' ri e' na', ¹⁷ tuil' kaw'ring mae' yeuh pe' kaw'ring keuting reu'. Aen' a meuh punta kaw pe' yeuh ku' chak' na' mae' lah' leukah' chak' ku' ceu na'.

3

Hk'o' mun' pun ye

¹ Ec'awng' na' pe', leukah' tisut' na', punta leukah' mun' ren'kawn Eun Peucawo' na' kaw a laws' heul' vaevae meuh ku' yumyam' seun' meuh a hk'a'naee pe' ri na', hk'o' mun' pun ye reu'. ² Punta kaw ye pon hk'ai' dak ti' ce peue rai na', hk'o' mun' pun ye yeut. Kopti peue hkuin' kaw duing kue' hk'a' yum' gawm'euc'. ³ Daecti Peucawo' kati keutawn' Eun. Eun kaw bae kaw'ring pe' na' keuting mae' roksa' pe' pon hk'ai' peue rai na' ce. ⁴ Buih hot' pe' ri yeuh leukah' tuil' ye ri pe' na' mae' kaw pe' tang suip ri yeuh a seun' awn' a heul' na', ye yum' a hk'a'naee Peucawo' Eun neumneum. ⁵ Kah Peucawo' Eun teuk' va pe' heul' lec hk'a'naee hk'a' leumeus'keus Eun na' mae' hk'a'naee hpum' keutawn' seupit Eun Hkrit na' reu'.

Tawm' ram ri peue keunah

⁶ Ec'awng' na' pe', hk'a'naee muis Eun Cawo' Yesu' Hkrit na', ye kaw tuil' leukah' ri pe', ut' seungai ce ec'awng'

keunah na' mae' peue un' a'yu im' hot' leukah' sangsawn' ku peue na' ce reu'. ⁷ Kopti ku' yeuh ye na' tup yawng pe' kaw ri htuk' ri hot' ri yeuh a yeut. Yam ut' ye mae' pe' na', ye hkuin' duing keunah. ⁸ Ye hkuin' duing hk'a hk'o' hk'awng' hkawn' hkaen' a'nhaw'. Daecti punta kaw a un' meuh beus pun pe' saec' ti peue na', ye ti kaw' reng ri yeuh kan' gawm' sum' gawm' seunyi. ⁹ Yeuh ye ku' yeuhki' na' a hkuin' meuh kopti un' kuing' ye ri rap ri ti hk'a' teum' kawm pe' ye na'. Daecti punta kaw ye meuh vang hot' rin ri ti pun pe' na', ye yeuh a. ¹⁰ Kopti yam ut' ye mae' pe' na', ye tang' ri uin' ritroe yeuhki', "A'nhaw' lawn un' yeuh kan' ko', eun htuk' ri un' mak' ri som'."

¹¹ Pun ye ri mhawng' peue hk'a'naee pe' na' ce ngon', ce keunah. Ce un' yeuh kan'. Ce eo' ri klawo' suksak lawng ku' yeuh peue. ¹² Hk'a'naee Cawo' Yesu' Hkrit Eun, ye kaw tuil' leukah' ri peue yeuh keutit' na' ce sawng' dit' ti yeuh ri hk'a' uii' tu' ri na' meun reu'. ¹³ Saec' ec'awng' na' pe', pawlaee va kaw' reng ri keuceum ri yeuh ku' leupaws seumeu' na'.

¹⁴ A'nhaw' lawn un' leuceng ri ti leukah' tem' ye nang htawm aen' na ko', yeuh ri pawn eun reu'. Punta kaw eun kaic, pawlaee yeuh a' mawo eun. ¹⁵ Daecti pawlaee sawn' eun meuh ransu, sawn' eun seun' ec'awng' ko', tuil' sati eun reu'.

Leukah' tisut'

¹⁶ Kah Peucawo' Cawo' hk'a' kuit nyawk' kuit sam' ran cumyen' na' Eun tuil' hk'a' kuit nyawk' kuit sam' ran cumyen' na' ri pe' ku ceu ku yam reu'. Kah Eun ut' mae' pe' gawm' euc'. ¹⁷ Ui' ri, meuh ui' Paw' lu. Ui' tem' leukah' tisut' aen' na ri ti' ri na' meun. Aen' a meuh ca' mai' ka htawm ui' na' ku ok' ka. A meuh a'cang' lamlam tem' ui' htawm.

¹⁸ Kah mun' sin' Eun Cawo' Yesu' Hkrit e' na' kue' ri pe' reu'.

Plang
The New Testament in the Blang language of Myanmar

copyright © 2021 Wycliffe Bible Translators, Inc.

Language: Plang (Blang)

Contributor: Wycliffe Bible Translators, Inc.

All rights reserved.

2021-04-06

PDF generated using Haiola and XeLaTeX on 19 Oct 2021 from source files dated 14 Jul
2021

0468b0b5-acb2-59c4-92d3-4fa09a4d091c